

SCHOOL DIGITAL CHAMPION

www.schooldigitalchampion.gov.ie



Roinn Cumarsáide, Gníomhaíochas
ar son na hÉireannide & Comhshaoil
Department of Communications,
Climate Action & Environment



Clár na gCrann Taca Digiteach Scoile

Tá an Rialtas ag iarraidh cur le húsáid na teicneolaíochta sa teagasc agus san fhoghlaim. Agus infheistíocht an Stáit i nascacht leathanbhanda ardluais mar dhúshraith faoi, tá an Roinn Cumarsáide, Gníomhaithe ar son na hAeráide agus Comhshaoil, i gcomhar leis an Roinn Oideachais agus Scileanna, ag cur tús leis an tionscnamh nua seo, Clár na gCrann Taca Digiteach Scoile.

Táimid ag tabhairt cuireadh do do scoil agus do do chuid daltaí tabhairt faoi thionscadal a thaispeánfaidh an chaoi ar féidir úsáid a bhaint as scileanna sa teicneolaíocht dhigiteach chun dul i bhfeidhm ar an scoil, ar ghnó áitiúil nó ar an bpobal níos leithne.

Eagróimid lá oiliúna chun scileanna a fhoghlaim chomh maith le deiseanna spreagúla eile do dhaltaí agus do mhúinteoirí.

Ní mór an fhoirm iarratais ar líne a chur isteach faoi 5pm Déardaoin, 27 Deireadh Fómhair 2016.

An Clár Píolótach

Ritheadh Clár na gCrann Taca Digiteach Scoile mar chlár píolótach i gcaitheamh na bliana acadúla 2015/2016. I gcaitheamh an chlár, cuireadh oiliúint ar fáil do mhúinteoirí agus do dhaltaí. Mar chuid den oiliúint sin réachtáladh ceardlanna ar eagarthóireacht físeán, ar dhearadh gréasáin, ar chódú agus ar dhearadh aipeanna, chomh maith le ceardlanna ar scileanna cumarsáide agus cur i láthair, ar mhargaíocht agus ar thaighde.

Bhí an Roinn ag comhoibriú le roinnt comhpháirtithe tionscail, BT, RTÉ, Google agus Vodafone ina measc, chun an chéim píolótach a rith. Thapaigh múinteoirí agus daltaí an deis chun cuairt a thabhairt ar RTÉ agus ar Google áit ar ghlac siad páirt i gclár a bhí an-spreagúil agus a raibh a lán eolais le fáil astu. I measc na gclár sin bhí:

- seisiún oiliúna san iriseoireacht mhóibíleach
- idéú cruthaitheach
- réaltacht fhíorúil
- gníomhaíocht theagmhálach san eolaíocht ríomhaireachta, agus
- cainteanna faoi ghairmeacha.

Chuir na Crainn Taca Dhigiteacha Scoile a dtionscadail i láthair agus bronnadh teastais rannpháirtíochta orthu ag an bhféile foghlama digití Excited i gCaisleán Bhaile Átha Cliath i mí na Bealtaine 2016. Is féidir féachaint ar fhíseáin ina bhfuil aiseolas ó na múinteoirí agus ó na daltaí i ndáil leis an taithí a bhí acu ar an gclár agus an tionchar a bhí aige. Tá na físeáin sin ar fáil ar ár suíomh gréasáin www.schooldigitalchampion.gov.ie.

Ó tharla gur éirigh leis an gclár píolótach, tá Clár na gCrann Taca Digiteach Scoile á réachtáil anois i ngach scoil dara leibhéal ar fud na tíre.

Cén tairbhe atá le baint as páirt a ghlacadh i gClár na gCrann Taca Digiteach Scoile?

Scoileanna

Is deis uathúil é seo do do chuid daltaí chun páirt a ghlacadh i gclár spreagúil nuálach ar féidir leo a bheith ag foghlaim ar a lán leibhéal tríd

Déanfaidh an clár:

- aitheantas a thabhairt do dhaltaí atá ar thús cadhnaíochta ó thaobh teicneolaíochtaí nua a úsáid
- deis a thabhairt don phobal a bheith páirteach a oiread agus is féidir
- foghlaim a stiúradh trí úsáid teicneolaíochtaí nua agus
- do chuid daltaí a chumasú le fiordhifríocht a dhéanamh tríd an teicneolaíocht a úsáid.

Mic Léinn

Oiliúint

Tabharfaimid deis do dhaltaí páirt a ghlacadh i lá oiliúna chun scileanna a fhoghlaim. Cuirfear ceardlanna ar fáil an lá sin a bheidh saincheaptha chun na riachtanais a luaitear ar an bhfoirm iarratais Crann Taca Digiteach Scoile a chomhlíonadh. Roghnófar láithreacha réigiúnacha le haghaidh oiliúna bunaithe ar líon na scoileanna a chuireann isteach air agus ar na háiteanna a bhfuil na scoileanna lonnaithe.

Feabhsóidh daltaí príomhscileanna. Ina measc sin beidh:

- smaointeoireacht chriticiúil
- nuálaíocht
- cumarsáid
- cruthaitheacht agus
- obair foirne.

Cuairteanna ar shuíomhanna

Eagróidh an Roinn sraith cuairteanna ar shuíomhanna chun deis a thabhairt do do chuid daltaí bualadh le mórchuideachtaí teicneolaíochta.

Líonrú

Beidh do scoil ag líonrú le Crainn Taca Dhigiteacha Scoile eile agus beidh tacaíocht leanúnach ar fáil ó oifig tionscadail Crann Taca Digiteach Scoile.

Tionscadail a chur i láthair

Cuirfimid deis ar fáil chun gach tionscadal críochnaithe a chur i láthair ag ócáid i mí na Bealtaine 2017.

Múinteoirí

Oiliúint

Tabharfaimid deis do mhúinteoirí páirt a ghlacadh i lá oiliúna chun scileanna a fhoghlaim, bunaithe ar na riachtanais a luaitear ar an bhfoirm iarratais Crann Taca Digiteach Scoile. Roghnófar láithreacha réigiúnacha le haghaidh oiliúna bunaithe ar líon na scoileanna a chuireann isteach air agus ar na háiteanna a bhfuil na scoileanna lonnaithe.

Foghlaim theagmhálach a chur chun cinn

Cuireann na tionscadail foghlaim thionscadalbhunaithe agus cruthú eolais chun cinn trí úsáid a bhaint as teicneolaíochtaí nua.

Nuair a ghlacfaidh do chuid daltaí páirt sa chlár, beidh siad ag plé leis an teicneolaíocht chun dul i ngleic le dúshlán ón saol mór.

Cén chaoi a nglacfaidh scoileanna páirt sa chlár?

Ba chóir do do scoil foireann daltaí (5 ar a mhéad) a roghnú mar dhaoine a d'fhéadfadh a bheith ina gceannairí nó ina n-eiseamláirí i bhforbairt agus in úsáid teicneolaíochtaí digiteacha. Crann Taca Digiteach Scoile a thugtar ar gach duine acu sin agus beidh siad ag obair chun dúshlán ón saol mór a réiteach.

Tabharfaidh na Crainn Taca faoi thionscadal digiteach nua. Is é aidhm an tionscadail ná dul chun tairbhe:

- don scoil
- do ghnóthaí áitiúla nó
- don phobal níos leithne

Céard iad na téamaí tionscadail?

Tá trí théama tionscadail ann le haghaidh Crann Taca Digiteach Scoile. Ní mór do dhaltaí a thaispeáint cén chaoi ar féidir le teicneolaíocht agus scileanna digiteacha tionchar a imirt agus difríocht a dhéanamh. Is féidir le do scoil, agus sibh ag obair le bhur gCrainn Taca Dhigiteacha Scoile, tionscadal a roghnú ó cheann de na **3 théama** seo a leanas:

Téama 1: Fiontraíocht áitiúil

Sa lá atá inniu ann, tá níos lú ná ceann amháin as gach ceithre ghnó bheaga ag trádáil ar líne agus is thar lear a théann suas le 70% den airgead a chaitheann tomhaltóirí na hÉireann.

Cén chaoi ar féidir leatsa, mar Chrann Taca Digiteach Scoile, cabhrú le do chuid gnóthaí beaga áitiúla trádáil ar líne agus ceangal lena gcuid custaiméirí?

Téama 2: An pobal áitiúil

Tá an t-idirlíon ag dul i bhfeidhm go mór ar shochaí na hÉireann. Dóibh siúd atá 'ceangailte', tá an réimse cumarsáide, siamsaíochta, faisnéise agus acmhainní foghlama atá ar fáil i bhfad níos mó ná mar atá dóibh siúd atá fós taobh amuigh den domhan digiteach.

Cén chaoi ar féidir leatsa, mar Chrann Taca Digiteach Scoile, tacú le do phobal áitiúil chun an leas is fearr a bhaint as an teicneolaíocht dhigiteach?

Téama 3: Ar scoil agus sa bhaile

Tá scileanna digiteacha ag teastáil i naoi bpost as gach deich gcinn. Tá fostóirí ag leagan níos mó béime ar scileanna de chuid an 21ú haois ar nós:

- fadhbanna a réiteach
- cumarsáid
- smaointeoireacht chriticiúil agus
- obair foirne.

Tá sé níos tábhachtaí ná riamh go mbíonn foghlaim ar siúl taobh istigh den scoil agus taobh amuigh di.

Cén chaoi ar féidir leatsa, mar Chrann Taca Digiteach Scoile, teacht ar bhealaí chun úsáid a bhaint as an teicneolaíocht dhigiteach chun tacú leis an bhfoghlaim ar scoil agus taobh amuigh den scoil?

Chomh maith leis sin, is féidir leis na Crainn Taca Dhigiteacha Scoile saineolas agus tacaíocht ó thaobh na teicneolaíochta digití de a chur ar fáil chun cabhrú le daltaí atá páirteach i gcláir eile agus in obair thionscadail ar scoil.

An comórtas é seo?

Ní hea. Sa chlár seo táthar ag díriú ar rannpháirtíocht ghníomhach seachas ar iomaíocht. Chuir múinteoirí fáilte roimhe seo i gcaitheamh an chlár phíolótaigh agus dúirt siad gur chuir an clár gach duine san áireamh agus go ndearna sé freastal ar gach leibhéal de scileanna teicneolaíochta faisnéise. Dúirt siad freisin gur spreag sé daltaí chun eolas a roinnt agus comhoibriú lena chéile. Anuas air sin, chuir sé ar an eolas iad faoi dheiseanna gairme sa réimse digiteach.

Céard é an próiseas iarratais?

Tá litir faighte ag do Phríomhoide ón Aire Denis Naughten agus ón Aire Richard Bruton ina dtugtar cuireadh do do scoil páirt a ghlacadh sa chlár.

Tá tuilleadh eolais faoin gclár le fáil ag www.schooldigitalchampion.gov.ie. Má bhíonn aon cheist agat faoin bpróiseas iarratais, téigh i dteagmháil leis an oifig tionscadail, le do thoil, ag schooldigitalchampion@dcae.gov.ie.

Céim 1. Tagann daltaí chugatsa chun cur isteach ar Chlár na gCrann Taca Digiteach Scoile

Cuir na daltaí ar an eolas faoin gclár. Ba chóir duit iarraidh ar dhaltaí a bhfuil suim acu ann Foirn Ainmniúcháin a líonadh isteach agus a thabhairt duit. Is féidir an fhoirm sin a fháil ag www.schooldigitalchampion.gov.ie

Tá na Foirmeacha Ainmniúcháin roghnach ach cabhróidh siad leat agus tú ag roghnú na gCrann Taca Digiteach Scoile.

Céim 2. Roghnaíonn do scoil foireann Crann Taca

Is féidir daltaí ó ranganna éagsúla nó ó bhlianta éagsúla sa scoil a roghnú agus tú ag cur foireann daltaí (5 ar a mhéad) le chéile.

Ba mhaith an rud é foireann a roghnú a bhfuil meascán d'eolas digiteach agus taithí theicniúil acu, chomh maith le réimse scileanna eagrúcháin.

Ní mór do Chrainn Taca Dhigiteacha Scoile cead a fháil óna dtuismitheoirí. Is féidir Foirmeacha um Chead ó Thuismitheoirí a íoslódáil ag www.schooldigitalchampion.gov.ie

Céim 3. Roghnaigh an tionscadal

Nuair atá d'fhoireann Crann Taca roghnaithe agat, is é an chéad chéim eile ná a bheith ag comhoibriú agus teacht ar chomhaontú maidir leis an tionscadal digiteach a dtabharfaidh do scoil faoi.

Céim 4. Líon isteach an fhoirm iarratais le haghaidh Crann Taca Digiteach Scoile

Is féidir leat an fhoirm iarratais le haghaidh Crann Taca Digiteach Scoile a líonadh isteach ar líne ag: www.schooldigitalchampion.gov.ie

Líon isteach an fhoirm seo go hiomlán, le do thoil, agus déan cinnte de go gceadaíonn Príomhoide na scoile é.

Ní mór duit an fhoirm iarratais ar líne a chur isteach roimh 5pm Déardaoin, 27 Deireadh Fómhair 2016.

Céim 5. Seol na Foirmeacha um Chead ó Thuismitheoirí le haghaidh Crann Taca Digiteach Scoile ar ais chugainn

Ba chóir don scoil cóip shínithe den Fhoirm um Chead ó Thuismitheoirí le haghaidh gach duine de na daltaí a roghnaítear mar Chrainn Taca Digiteach Scoile a sheoladh chuig schooldigitalchampion@dcae.gov.ie ar an 8 Samhain 2016 nó roimhe sin.

Cathain a chaithfidh do thionscadal a bheith críochnaithe?

Caithfidh do thionscadal a bheith críochnaithe faoin 7 Aibreán 2017.

Mar chuid den tionscadal, ní mór do dhaltai tuairisc ar an tionscadal a scríobh. Sa tuairisc sin déanfar cur síos ar an tionscadal agus saineofar an réasúnaíocht, na haidhmeanna, an próiseas agus na torthaí a bhaineann leis. Ba chóir an tuairisc a sheoladh chugainn ag schooldigitalchampion@dccae.gov.ie faoin 7 Aibreán 2017.

Tugtar tuilleadh treoirínte ar www.schooldigitalchampion.gov.ie maidir le heolas atá le cur sa tuairisc.

Ní mór duit an tionscadal agus an tuairisc ar an tionscadal a chríochnú faoin 7 Aibreán 2017.

Céard é an amlíne?

Deireadh Fómhair 2016

- **27 Deireadh Fómhair** – Caithfidh an scoil an fhoirm iarratais ar líne le haghaidh Crann Taca Digiteach Scoile a chur isteach.

Samhain/Nollaig 2016

- **8 Samhain** – Caithfidh an scoil cóip shínithe den Fhoirm um Chead ó Thuismitheoirí le haghaidh na gCrann Taca Digiteach Scoile go léir a sheoladh chuig schooldigitalchampion@dccae.gov.ie
- Reáchtálfar lá oiliúna do mhúinteoirí agus do dhaltai chun scileanna a fhoghlaim. Beidh ceardlanna éagsúla ar siúl an lá sin.
- Cuirfidh daltaí tús lena gcuid oibre ar na tionscadail.

Eanáir/Feabhra 2017

- Eagrófar cuairteanna ar shuíomhanna comhpháirtithe tionscail do Chrainn Taca Dhigiteacha Scoile agus dá múinteoirí.

Aibreán 2017

- **7 Aibreán** – an dáta deiridh le haghaidh gach tionscadail. Ba chóir tuairisc ar an tionscadal críochnaithe a sheoladh chuig schooldigitalchampion@dccae.gov.ie

Bealtaine 2017

- Cuirfear tionscadail chríochnaithe i láthair ag ócáid náisiúnta áit a mbronnfar Teastais Rannpháirtíochta ar na Crainn Taca Dhigiteacha Scoile.
-

Cén áit ar féidir liom tuilleadh eolais a fháil?

Suíomh Gréasáin: www.schooldigitalchampion.gov.ie

Ríomhphost: schooldigitalchampion@dccae.gov.ie

Guthán: Paula Gormley (01) 6782025

Scríobh chuig: Oifig Tionscadail Crann Taca
Digiteach Scoile,
An Roinn Cumarsáide, Gníomhaithe ar son na
hAeráide agus Comhshaoil,
Elm House, Bóthar Earlsvale,
An Cabhán H12 A8H7.

